

Kubo estas malferma kaj alirebla al eksterlanda kunlaboro.



La kuba ekonomio restas streĝita pro la efikoj de la tutmonda financa krizo, la damaĝoj provokitaj de naturaj fenomenoj kaj la usona sieĝo komerca kaj ekonomia, tamen, la insulo restas daŭre malfermita al kunlaboro kun eksterlando en pluraj branĝoj de produktado kaj servoj.

De antaŭnelonge, insulaj aŭtoritatoj prezentis al pluraj ĉinaj entreprenistoj eblecojn al komunaj projektoj. Ĉinio estas la dua komerca partnero de Kubo ĉi-momente kaj de tie povas kreski investo-kvantoj en diversaj agadkampoj.

Estis informite ke de aliaj mondopartoj same bonvenus ofertoj pri teknologioj, financado kaj merkato, kontribuo harmoniigebla kun la homa kapitalo, altnivele preparita kaj la loka infrastrukturo.

Kubo prezentas al siaj potencialaj partneroj katalogon sufiĉe vastan pri kojunkturo de negocoj en branĝoj kiel la baza industrio, speciale en la esplorado kaj eltirado de kruda petrolo.

Kelkaj firmaoj aliĝis jam al tiu ĉi malferma programo kaj investis financajn rimedojn kaj ekipaĵojn en Kubo, inter ili, troveblas firmaoj de Vjetnamio, Venezuelo, Hindio, Malajzio kaj aliaj.

Danke al tiu kunlaboro reciproke avantaĝa kaj kreskinta kvalifikado de kubaj teknikistoj, kapablaj mem esplori puton per avangarda teknologio, Kubo produktas petrolkvanton kun akompana gaso kovranta 47% de siaj bezonoj.

Ekzistas aliaj ekonomio-branĵoj kiuj povas ricevi eksterlandan kapitalon aŭ starigi aliajn specojn de asocioj kiel kontraktoj pri komuna produktado kaj administrado-maŝtrumado, krom miksaj entreprenoj.

Kadre de tiuj ĉi lastaj variantoj progresas parto de la turisma industrio, tiel ke la insulo impulas turismon de naturo, kulturo kaj amuzo sana, krom la tradiciaj ofertoj de suno kaj plaĉo.

Kompreneble, multaj obstakloj daŭre leviĝas, tre aparte pro la agresema eskalado usona kies celo estas malstimuli la investojn de kapitaloj por sufoki la ekonomion kaj tiel pruvi ke la socialisma modelo fiaskas. Kiel diras elstaraj ekonomikistoj, se iam Usono suferos nur parton de sia propra ekonomia kaj komerca sieĝo, kiel ĉi altrudas al Kubo, certe, ilia ekonomio estus katastrofa. Do, libera komercado estas daŭre malpermesata por Kubo, kio streĝigas la insulan ekonomion kaj baras la progresemon kaj ekonomian progreson.

Spite al ĉio, Kubo estas malferma kaj alirebla al eksterlanda kunlaboro.

<https://www.radiohc.cu/eo/noticias/economia/187936-kubo-estas-malferma-kaj-alirebla-al-eksterlanda-kunlaboro>



Radio Habana Cuba